

diten a súa participación continuada a el, e que superen as correspondentes probas de coñecementos.

Oitava.-Modificacións.

O Centro de Estudos Xudiciais e Seguridade Pública de Galicia poderá modificar o desenvolvemento do curso

para adaptalo ás necesidades da Administración e ás contingencias que poidan xurdir.

A Estrada, 1 de marzo de 2005.

José Antonio Vázquez Tain
Director do Centro de Estudos Xudiciais
e Seguridade Pública de Galicia

ANEXO	
CURSO: VETERINARIA CLÍNICA E ADESTRAMENTO DE CANS DE RESCATE E SALVAMENTO.	
1. SOLICITANTE	
Apelidos:	Nome:
DNI:	
Data de nacemento:	Telefone de contacto:
Fax:	
2. DATOS PROFESIONAIS:	
Concello ou agrupación:	
Corpo de pertenza:	
Categoría ou posto desempeñado:	
Ano de entrada no corpo:	
Enderezo da agrupación ou posto de traballo:	
Titulación académica:	
Curso: adestramento de cans de rescate e guías (2º nivel) Si <input type="checkbox"/> Non <input type="checkbox"/>	
3. CERTIFICADO DO PRESIDENTE DA AGRUPACIÓN:	
Certifico que a persoa solicitante pertence á agrupación citada anteriormente neste anexo:	
Lugar e data	Sinatura do presidente e selo da agrupación
4. DECLARACIÓN	
Declaro, pola miña honra:	
Que son certos todos os datos que figuran nesta solicitude e que cumpro cos requisitos exixidos na convocatoria, dos cales xunto fotocopias.	
..... de de 200.....	
Sinatura do/da solicitante:	
5. SELECCIÓN	
Vista a solicitude presentada polo/la interesado/a, o Centro de Estudos Xudiciais e Seguridade Pública de Galicia	
<input type="checkbox"/> seleccionou o/a interesado/a. <input type="checkbox"/> non seleccionou o/a interesado/a.	
Lugar e data:	Sinatura e selo do órgano seleccionador:
Asdo:

Director do Centro de Estudos Xudiciais e Seguridade Pública de Galicia.

Resolución do 1 de marzo de 2005 pola que se convocan 4 cursos de salvamento e socorrismo acuático.

Dentro do programa de actividades que o Centro de Estudos Xudiciais e Seguridade Pública de Galicia ten previsto realizar no ano 2005, e conforme as funcións atribuídas pola Lei 1/2005, do 4 de xaneiro, do Centro de Estudos Xudiciais e Seguridade Pública de Galicia, anúnciase a celebración de 4 cursos de salvamento e socorrismo acuático, que deberán desenvolverse conforme as seguintes bases:

Primeira.-Obxectivos.

Dotar o persoal voluntario de protección civil dunha formación teórico-práctica que lle facilite a realización das tarefas que teña encomendadas, adquirindo unha maior destreza e coñecementos suficientes no salvamento e socorro de persoas en situacións difíciles.

Segunda.-Destinatarios.

Os cursos van dirixidos aos membros das agrupacións de voluntarios de protección civil da Comunidade Autónoma de Galicia que previamente superasen o curso básico de protección civil e teñan dominio dos tres estilos de natación seguintes: crol, de bruços e de costas.

Terceira.-Desenvolvemento.

1. Prazas: o número de prazas ofertadas para cada curso é de 30.

2. Duración e data: os cursos terán lugar durante o ano 2005, en datas que se confirmarán coa suficiente antelación ao seu inicio e cunha duración de 80 horas lectivas.

3. Lugar: determinarase en función da localización dos solicitantes que superen as probas de acceso.

Cuarta.-Proba de acceso.

Todos os aspirantes pasarán unha proba selectiva para optaren á realización do curso. A dita proba, na cal se avaliará o dominio de natación nos tres estilos, así como nadar 200 metros estilo libre, farase no Centro de Estudos Xudiciais e Seguridade Pública de Galicia en día e hora que oportunamente e coa suficiente antelación se comunicará aos interesados.

Quinta.-Solicitudes e prazo de inscrición.

1. A inscrición dos participantes é totalmente gratuíta.

2. O persoal que desexe participar nestes cursos deberá presentar, cuberta á máquina ou con letra moi clara, a instancia que figura no anexo.

3. O prazo para a presentación de instancias rematará o día 4 de abril de 2005.

4. As instancias deberán vir asinadas polo presidente da agrupación e seladas, e no caso de haber máis dunha solicitude da mesma agrupación, relacionalas en orde prioritaria. Este será requisito indispensable para ser admitido na proba de acceso ao curso.

5. As instancias deberán enviarse por correo, fax, etc. á sede da Centro de Estudos Xudiciais e Seguridade Pública de Galicia: Avenida da Cultura, s/n, 36680 A Estrada e fax nº 986 59 09 88 ou ben poden entregarse en calquera dos lugares previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

Sexta.-Contido.

Nel trataranse diversos temas relacionados cos seguintes puntos:

- a) Introducción. Conceptos xerais.
- b) Salvamento acuático. Socorrismo acuático.
- c) Técnicas de extracción de accidentados. Salvamento acuático en espazos naturais.
- d) Primeiros auxilios. Soporte vital básico. Soporte vital básico pediátrico. Traumatismos. Picaduras e mordeduras. Lesións por axentes externos.
- e) Proba de avaliación e superación do curso.

Sétima.-Relación de admitidos.

1. A relación de participantes admitidos para a realización do curso esporase no taboleiro de anuncios do Centro de Estudos Xudiciais e Seguridade Pública

de Galicia, sen prexuízo da oportuna notificación aos seleccionados con antelación á celebración do curso. Tamén poden confirmar a súa admisión chamando ao teléfono 986 59 00 21.

2. Os seleccionados deberán presentar un certificado médico de non padeceren enfermidade nin estaren afectados por limitación física ou psíquica que sexa incompatible co desempeño das prácticas de salvamento acuático.

Oitava.-Asistencia.

É obrigatoria a asistencia e puntualidade en todas as actividades do curso. A falta de asistencia, mesmo cando sexa xustificada, a máis dun 10% das horas lectivas programadas determinará a cualificación de non apto no curso.

Novena.-Certificado de aproveitamento.

Ao remate dos cursos entregaráselles un certificado de asistencia e aproveitamento a aquelas persoas que acrediten a súa asistencia continuada e superen as correspondentes probas de coñecementos prácticos.

Novena.-Modificacións.

O Centro de Estudos Xudiciais e Seguridade Pública de Galicia poderá modificar o desenvolvemento dos cursos para adaptalos ás necesidades da Administración e ás contingencias que poidan xurdir.

A Estrada, 1 de marzo de 2005.

José Antonio Vázquez Tain
Director do Centro de Estudos Xudiciais e Seguridade Pública de Galicia

ANEXO

1.- CURSO: SALVAMENTO E SOCORRISMO ACUÁTICO	
2.- DATOS DO SOLICITANTE	
Agrupación: Teléfono agrupación: Localidade: Nº de Rexistro: Presidente:	Fax Agrupación:
Persoas que se remiten para asistencia ao curso: APELIDOS E NOME:	DNI:
3.- CERTIFICADO DO PRESIDENTE DA AGRUPACIÓN:	
Lugar e data	Sinatura do presidente e selo da agrupación, Asdo.:
Certifico que as persoas que se relacionan pertencen á Agrupación citada anteriormente neste anexo, e están en posesión do diploma do curso básico de protección civil.	
4.- SELECCIÓN	
Lugar e data	Sinatura e selo do órgano seleccionador Asdo.:
Vista a solicitude presentada polo/la interesado/a, o Centro de Estudos Xudiciais e Seguridade Pública de Galicia,	
Resolveu	Seleccionar o/a interesado/a para asistir ao curso ou activ. sinalada No seleccionar o/a

Director do Centro de Estudos Xudiciais e Seguridade Pública de Galicia

Resolución do 2 de marzo de 2005 pola que se convoca un curso sobre estratexias de mitigación do risco de inundacións en Galicia.

Dentro do programa de actividades que o Centro de Estudos Xudiciais e Seguridade Pública de Galicia ten previsto realizar no ano 2005, e conforme as funcións atribuídas pola Lei 1/2005, do 4 de xaneiro, do Centro de Estudos Xudiciais e Seguridade Pública de Galicia, anúnciase a celebración dun curso sobre estratexias de mitigación do risco de inundacións en Galicia, que deberá desenvolverse conforme as seguintes bases:

Primeira.-Obxectivos.

Dar a coñecer as medidas e estratexias posibles para facerlles fronte e previr os danos causados polas inundacións en Galicia e adquirir os coñecementos básicos para poder dar respostas locais ante o risco de inundacións, a través das novas ferramentas de xestión e planificación.

Segunda.-Destinatarios.

-Técnicos da subdirección e dos servizos provinciais de Protección Civil da Xunta de Galicia.

-Técnicos en materia de protección civil, tendo prioridade aqueles que están en concellos afectados por este risco.

-Responsables de AVPC, tendo prioridade aqueles que están en concellos afectados por este risco.

Terceira.-Desenvolvemento.

1. Prazas: o número de prazas ofertadas é de 27.

2. Duración e datas: o curso desenvolverase os días 3, 4, 10 e 11 de maio de 2005, cunha duración de 32 horas lectivas.

O horario será o seguinte:

-Das 9.30 ás 14.00 horas e das 16.00 ás 20.00 horas.

3. Lugar: o curso realizarase na sede do Centro de Estudos Xudiciais e Seguridade Pública de Galicia no concello da Estrada, con visitas a distintos encoros da comunidade.

Cuarta.-Solicitudes e prazo de inscrición.

1. A inscrición dos participantes é totalmente grauíta.

2. O persoal que desexe participar nestes cursos deberá presentar, cuberta á máquina ou con letra moi clara, a instancia que figura no anexo.

3. O prazo para a presentación de instancias rematará o día 22 de abril de 2005.

4. As instancias deberán vir asinadas polo xefe do organismo ao que estea adscrito e seladas, e no caso de haber máis dunha solicitude da mesma entidade, relacionalas en orde prioritaria. Este será requisito indispensable para ser admitido no curso.

5. As instancias deberán enviarse por correo á sede do Centro de Estudos Xudiciais e Seguridade Pública de Galicia avenida da Cultura, s/n, 36680 A Estrada ou ao fax 986 59 09 88, ou ben poden entregarse en calquera dos lugares previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

Quinta.-Contido.

-Hidroloxía e climatoloxía de Galicia, tipo de inundacións en Galicia.

-Xestión de zonas inundables.

-Estratexias e medidas de mitigación do risco de inundacións.

-Xestión de emerxencias hidráulicas.

-Lexislación e planificación.

-Encoros, presas e centrais hidráulicas.

-Visitas a lugares de interese.

Sexta.-Relación de admitidos.

A relación de participantes admitidos para a realización do curso esporase no taboleiro de anuncios do Centro de Estudos Xudiciais e Seguridade Pública de Galicia, sen prexuízo da oportuna notificación aos seleccionados con antelación á celebración do curso. Tamén poden confirmar a súa admisión chamando ao teléfono 986 59 00 21.

Sétima.-Asistencia.

É obrigatoria a asistencia e puntualidade en todas as actividades do curso. A falta de asistencia, mesmo cando sexa xustificada, a máis dun 10% das horas lectivas programadas determinará a cualificación de non apto no curso.

Oitava.-Certificado de aproveitamento.

Ao remate do curso entregaráselles un certificado de asistencia e aproveitamento a aquelas persoas que acrediten a súa asistencia continuada e superen as correspondentes probas de coñecementos.

Novena.-Modificacións.

O Centro de Estudos Xudiciais e Seguridade Pública de Galicia poderá modificar o desenvolvemento dos cursos para adaptalos ás necesidades da Administración e ás continxencias que poidan xurdir.

A Estrada, 2 de marzo de 2005.

José Antonio Vázquez Taín
Director do Centro de Estudos Xudiciais
e Seguridade Pública de Galicia